

聖朝蒙提督軍門部 恭疏上

奏請

旨優獎又蒙

聖恩廣被遐方柔服遠人仍

命提督軍門部 到甸安撫地方迨至雍正二年始撥劍川州判

壹員管理復於乾隆二十二年准以楚雄府同知改作中甸撫獎同知

列任管理仍照舊設土職以管官巴柱金圭七里二員改作土守

俗神翁五名改作土千總列宿十六員改作土把總地方分為五

境各設該管分任其事於雍正五年建造土城一座以為防衛

經制井田賦役以遂民生建立學宮義學以崇文教禮樂法度

衣冠文物咸遵

聖朝儀制百餘年間恪守奉行未嘗更易惟志書一事前未有纂修者

今值光天化日之際禮明樂備之休又承

聖天子廣勸方言首以忠孝節義為急務次以古今事蹟為博訪

旨諭督部堂 撫部院頒發款式章程令府廳州縣地方有忠孝節義之人不忍

湮沒往古來今之事不容泯滅遍加採訪確實查明申送省局

以備繕修雲南通志遵奉之下不能不尋源竟委原始要終繼

陳事蹟創立稿本附呈採擇以昭示來茲並永垂後世於無暨

新修中甸志書稿本

新修中甸廳志書序文

蓋聞建邦啟土乃先王大一統之規而問俗觀風尤天子勤省

方之政自古帝王未有不欲以四海為一家天下作一人者也

粵稽中甸舊為西藏所屬然前古之事遠而難稽溯自康熙五

十餘年間西藏黃紅教爭為掌教互相擾亂

聖祖仁皇帝命 提督軍門郝帶兵前往招撫道經中甸有土目管官

巴柱金圭七里二人抒忱獻悃効力勤王願為鄉導隨同西征

後西藏克服巴柱金圭七里慕我 朝之仁風仰中國之盛德

具訴投誠率土歸心願服

中國少數民族古籍集成(漢文版)

漢以後西南各民族·雲南

云爾

時

光緒十年 月 日 穀旦

日穀旦

特授中甸同知楊勇巴圖魯吳自修

校正

特授中甸守備瑚松額巴圖魯董良弼

參閱

鶴慶州儒學生員教讀中甸義學張翼夔謹識

新修中甸廳志書目錄開後

計開

上卷

天文志

地輿志

祥異志

疆域志

風俗志

氣候志

沿革志

城池志

文武官署志

郵傳志

關哨志

山川志

津梁志

水利志

戶口志

田賦志

積貯志

課程志

經費志

物產志

蓋法志

礦廠志

蠲卹志

中卷

廟學志

學校志

書院志

典祀志

俗祀志

寺觀志

兵制志

戎事志

邊防志

官制志

忠烈志

土司志

下卷

忠義志

孝友志

烈女志

方技志

仙釋志

邊裔志

古蹟志

異聞志

新修中甸廳志書上卷

中甸同知吳自修琢如氏 校正

中甸守備董良弼甫臣氏 參閱

大中甸境義學張翼夔佐之氏 纂集

天文志

天文

竊聞天之高也星辰之遠也惟高故欲上而不可攀踳惟遠故欲窮而不可測度從可知天道之高遠非後人所能臆計者也然日窮於次月窮於紀星辰昭於雲漢天象之昭垂又未嘗

可指而象之揣而度之如我雲南全省地近南方之位特有彩雲南現故名曰雲南以禹貢九州而論雲南為梁州其分野在井鬼之間中甸地居滇省之西北而方隅放繞分野約在柳星之內雖未能應合乎躔垣之所居由地形而觀之故略呈其象如此

地輿志

地輿

今夫坤厚載物德合無疆地利之厚於民生者實與天同體也然五方之風氣不齊九州之土宜各異地輿之設所以紀其變

異也中甸自隸藉中國皆為版圖之民而疆圍形勢不能不付諸策裂地雖邊僻內有雪山聳峙其上外有金江圍繞其下群山蘊寶眾水流金而且幅頓千里烟火萬家爰繪諸圖形以附呈其後

祥異志

祥異

祥者所以徵其瑞也異者所以志其怪也自古禎祥之瑞肇自人間因地施因人而積且因時而見中甸所屬江邊境有神州山上於道光二十四年七月十八日酉時有金龍由海昇天連繞五色彩霞護昇境內人見之焚香行禮是夜天降大雨十年之內地方豐收此為祥瑞

疆域志

疆域

竊維畫井分疆乃人主立安民之法而雄關設險又王公施守國之謀自古疆域之設所以各守其國各均其地也中甸為雲南四川兩省之交界幅頓共有壹千柒百餘里其所屬境界四至開載於後東至元庫山距城式百叁拾里與麗江縣之寶山洲以金沙江劃界東南至哈瓦村距城式百伍拾里與麗江縣之打鼓汛以金沙江劃界南至木撇灣距城肆百貳拾里與麗江縣之阿喜汛以金沙江劃界係進省大路西南至所邑村距城式百陸拾里與麗江縣之巨甸汛金沙江劃界西至大石確塘距城壹百陸拾里與維西道判之具宗汛金沙江劃界係維西中甸往

來大路北至榆頭塘以大河為界距城壹百捌拾里過橋屬四川

年來涵濡

巴塘界係進藏大路北至翁雷闊距城式百陸拾里過橋屬四聖化官為化導婚姻亦用媒妁喪奠間用棺木惟不識詩書專敬喇嘛

其風俗與乾嘉稍為異用有如此者

川東塘交界東北至米直村距城壹百捌拾里與四川裁揭交界所屬四至自道光拾伍年後各守舊制並無改併焉耳

風俗志

風俗

嘗聞論語有曰俗之美者稱之仁里俗之惡者名為五鄉自古風

俗之美惡亦視人心之所向何如耳中甸地分五境大小中甸格

咱泥西江邊人屬蠻夷一名狃狃一名麼些一名龍巴一名狃

狃名為四種而江邊雖屬麼些自歸化以來間有漢籍雜處其

中言語服飾俱與麗江縣民相同現在設立學校以期文風丕振

內有狃狃一種為數無幾居處沿江山頭打牲為食其大小中

甸之狃狃泥西格咱之龍巴種類相似音語亦同無姓氏無村

屯依山傍水零星散處以耕種牧放為生帽用羊毛染黃色瓶

皮鑲邊上綴紅纓時有戴毡帽者如斗笠之狀身穿牛羊毛布

衣婦女辮髮為絳素織毛布作短衣穿百褶裙男女俱穿皮鞋

靴如家中遇有吉凶之事必請喇嘛打鼓念經咸習藏經不

漢語惟近城市者漸能通曉其婚姻多無媒妁喪奠盡按

嘗考民為邦本以食為天故后稷教民稼穡樹藝五穀熟

而民人育民人之所賴於食者未嘗不因其地而導之也大小

中甸二境係屬旱地高水低山多田少天氣嚴寒春冬積雪

不能佈種五穀惟有稈性能耐寒不宜用水灌溉必待雨澤及

時式叁月播種捌玖月收穫年僅一熟居民以青稞炒磨為麵

用酥油益茶和之名曰糌粑民間朝齋夕飡全賴青稞麥以

為養生之資其格咱泥西二境居山峽谷之中地氣溫和可以

佈種雜糧江邊一境按壤金江天氣炎熱水溜山角堪以佈種

五穀雜糧並育園蔬菓木其地土之利於民生者如此耳

沿革志

沿革

中甸自開闢以來安設文官同知壹員管理百姓武官守備壹員訓練兵丁又復設土守備式員土千總伍員土把總拾陸員

惟辦錢糧夫馬備探防堵如過缺出由同知守備照綠營例於夷眾悅服中選舉品行端方出身清白之人呈驗報補詳請咨

部覆准到日給劄非同世襲武營設有把總二員外委二員額外外委二員具文武漢土官弁仍照舊職原例並無添減裁併

城池志

城池

城池所以守國亦所以衛民昔晉有崤函之禦秦有函谷之雄齊有臨淄渤海楚有雲夢瀟湘古之為國不恃金城之固即恃湯池之險中甸古稱建塘為西藏所管無城池自歸化後蒙

總督雲貴部院中協副總兵官孫奉命到甸於雍正貳年開始建立土城壹座由白雞寺山腰斜掛於東門山脚週圍長叁百陸拾丈高壹丈式尺安設肆門城樓並無垛口炮台週圍順築土墻墻外亦無壕池內建兵房數拾餘所以為兵寓迨至咸豐叁年有麗江軍民府兼中甸撫彝府辛本黎重修肆城門樓土墻無有更換於同治貳年逆徇入境踐踏焚燬

殆盡歷至於今惟有基址尚存

文官署志

文官衙署舊制於雍正貳年建於城內之西南坐坤向艮外植東西柵門照壁圍墻梳桿式樹正建大門壹楹儀門叁楹親民堂三楹修建兩廂書房差房陸楹連建二堂叁楹後建上房三楹兩廂客廳著左建設福德祠書院接耳續修建倉廩式拾伍所倉神祠音院署右建立銀庫監獄花廳各音院文署建修各有就緒至今毀壞

文署暫住於隍祠內居官任事祠傍借地安倉於同治拾叁年署總馮乃熊新修倉廩式所光緒伍年署總張廷棟新修倉廩叁所光緒貳年署總伍蘭徽新修監獄音院

武官衙署建於城內之中坐西向東前建照壁傍列敵棚正建大門壹楹內設儀門壹座左有馬廄壹所連建大堂叁楹堂右陞官祠壹所跟丁房式楹堂左察惰神祠叁楹後設內堂叁楹兩相客廳東門內建設軍庫壹所西門內安置藥局音院武署舊有規趾

存城把總官署在北門內面建照壁壹堵大門壹楹大堂叁楹修建書房式楹內建上房叁楹兩廂客廳廚房四楹於同

治式年逆徇入境燒燬殆盡僅存基址

小箭道在北門內建官廳壹楹隨時操演

文武各署倉庫監獄等項沿傳至同治式年逆徇入境焚燬殆盡僅存基址至考棚普濟堂有嬰堂養濟院從古未設

武庫中甸自雍正二年設兵修建保題二庫壹在東門內壹

在西門內存有旗幟軍裝銀刀弓箭火葯器械同治式年內

逆徇入境失落殆盡僅存基址

逆徇入境失落殆盡僅存基址

郵傳志

中甸係新闢夷疆並未設有驛馬堡夫舖額舖司並無裁改

凡遇遞送公文均由武營沿塘汎兵遞送

關哨汎塘

中甸係新闢夷疆地濶山險自雍正六年安設武營由維西

協右營分防駐守並未有關防稅口僅設塘卡汎哨遞送公

文本城東門外土官寨下街頭設立甸寨卡壹所安兵四名

為本城盟查並哨官錚壓街市巡更守夜之所前經燒燬後

於光緒叁年捌月內有官任守備董良弼新建卡房三間謹

將各路塘汎開報載明

一南路由本城頭塘至箐口四十五里設塘一座額兵四名

至小中甸塘三十五里額兵四名至拖木郎塘四十五里額

兵四名至一家入塘三十五里額兵四名至土官村塘三十

五里額兵四名至紅石哨塘二十里額兵四名至松坡塘二

十五里額兵四名至梅子坪塘三十五里額兵四名至杜叻

古塘三十五里額兵四名至三家村塘四十里額兵四名至

木橄灣卡四十里額兵五名與鶴麗鎮阿喜汎金沙江接壤

一西路由本城至西箐口塘二十五里額兵四名至石窩達

塘三十五里額兵四名至吉仁塘三十五里額兵四名與本

協具宗汎接壤

一東路本城至北地卡距城一百二十里額兵四名與鶴麗

鎮打鼓接壤

一北路由本城至水磨塘二十里額兵四名至坡脚塘三十

五里額兵四名至格叻汎二十里設汎官外委一員戰兵二

十一名守兵四十二名由汎至舖上卡四十里額兵四名至

翁上卡四十里原額兵四名至翁書關八十五里額兵四名

與四川巴塘接壤

一西北路由本城至拉塔塘三十五里額兵四名至湯多塘

三十里額兵四名至泥西塘四十里額兵四名至紙房塘四

十里額兵四名以上四塘係由格哨汛分設紙房至橋頭三十五里設協防外委一員額兵八名由奔汛分設橋頭至奔子欄汛四十里設汛官把總一員戰兵十七名守兵四十二名在汛防守由奔汛分設至吉哨卡三十里額兵四名與本協阿墩子汛接壤

以上右營分防兩汛二十八塘卡俱照舊制四百零四名兵安置塘汛卡房於同治二年內逆竄入境汛哨官署塘卡兵房燒燬殆盡尚未修建今設各路汛哨塘卡由五成兵添設一百五十三名內分佈安置塘卡兵外餘作存城守兵

山川志

老君山記

中甸群山眾整四面環繞山名甚多山類甚廣不可悉紀惟老君山雖未當於名山而亦可作一佳境老君山據土人所言發脈來自西藏未知其所從出觀其形勢由西北隅沿江逶迤西出環繞於甸之正北境內層峰迭嶂聳翠流霞排列如畫屏焉其下有海子一溪名初墨凹拉漢寬澗深水色連天山光倒景上下天光一碧萬頃其山最高其脈最遠土人隨時祈禱君山之神亦默為呵護焉其山由北而東自東旋

繞合托金江順流而南轟不知其所底止矣

雪山記

雪山四面排列朗朗如玉山形發源亦來自西藏但湖厥來脈遠而難稽就其境內之所環列東西南北晶瑩聳峙或陰或晴隨時朗照惟正南諸峰蔚然特立遠映於甸之城郭境土花飛六出瑞兆年豐山下有黑龍潭一溪源泉混混不舍晝夜水由小河自南而北流歸於甸渠之西山脚南巴草湖暗落山谷之內週圍層峰迭出一直達於麗江縣之境界四方州郡縣邑無不暎瞻遠瞻焉

五鳳山記

五鳳山在境內之東南隅離城五里倚摘於南關之外文筆插天諸峯朝拱上有林木陰翳松竹掩映山腰間土人建立山神廟壹所四時祈禱必到廟內焚燒天香遍插靈旗求之則應叩之則靈山神亦時為顯應焉所稱紅光現樹杪珍除賊寇密隱山間隨降時雨蒙前署督部堂兼巡撫部院徐於咸豐貳年賜給匾額日恩威靖敷其山之靈佑如此耳

大龜山記

龜山即造城之主山土城建於龜山之上由東門外接脈東向土石並結圍聚高墩時人號曰土官寨寨下流出清泉一溪名為水井所有兵員商賈共汲飲於此水焉

小龜山記

小龜山在甸內北隅離城叁里曠野平原之中獨立土山壹座四圍阡陌繡壤夏秋田禾長養綠光遍野迭映其上下有小龍泉一溪土人祈晴禱雨必到此焚香念經

青龍潭記

青龍潭在廳城東山脚下順山發源其水清澈冬溫夏涼潭深堤長涵濡於境內之田畝能避青霜曲水流觴如玉帶之環城金鈎之鎖路深洄而流於西山之草湖馬潭上於咸豐貳年守備馬膏漢建立壹廟敬奉龍王之像四時晴雨文武各官俱到此祈禱拓香龍神無不靈應焉

南巴草湖論

湖以南巴名非漢語也乃夷語也何為而名之曰南巴以其夾於兩山谷之間山行六七里水勢汪洋土人名之曰南巴湖湖中青萍叢集綠草繁生故又名之曰草湖是湖也西連石窩之澎北界龍籠之路東開古寺之鐘南挾遠山之色碧浪千層金

波萬頃泉水群潭無一不匯歸於湖馬水色澄清淨如僧眼之碧山光帶綠濃似佛頭之青收山豁深菁之細流納紅波巨浪之注瀉水鳥沙鷗共浴於波紋上下之際游魚鱗旌咸潛於浪影深沒之間牧童放牛而來留聲響應野老携鋤而至笠戴橫斜四時之灌溉依賴三農之慰望如斯春潤秋泛願無濛漫之洪災暗落明消常有安瀾之瑞慶爰述南巴之命名可當西湖之游興故為載之

碧塔海記

碧塔海在甸地東北距城壹百餘里寬長有百里之遙海內多有珠寶內生珊瑚樹數株百有餘年俗人時乘舟往取之龍王多為護持未得其寶上有高山壹座樹木巍栽望氣葱龍前有土番木王到山訪寶建廟於上亦未得其寶後廟宇燬壞至今惟存基址

阿布吉海記

阿布吉海在甸東南山中離城壹百伍拾里寬長拾餘里海內龍王總司甸地雨澤若遇雨澤愆期到地祈禱無不應驗

觀音崖記

觀音崖距城式百里之遙在進省南大路地高山險路崎嶇

北踞巖岩南環深研鑿山開路曲曲盤桓名曰十二欄杆又名陰陽界昔有大蟒負穴山隅往來行人多為吞噬後蒙觀音顯化殄滅巨蟒道路無患

觀音現像於巖岩之上尚留古蹟遺制至今稱為盛境焉

神州山記

神州山在江邊吾竹村北四里週圍數百里高百餘丈山上有二土營一在故土山上一在現雲山上山無水石古名諸葛營山下出一龍潭名恒吉都其水極清澈寒冷古名溢液河週圍灌溉田畝於光緒五年新建溢水龍宮宮院境內祈晴禱雨無不居祀於此焉

江邊觀音岩記

觀音岩在江邊遠林村南五里懸於江岸之上岩中有石波羅吹之則響咸豐年間建立一寺地窄房淺又於同治初年新建觀音寺樓堂院高敞軒爽保護沿江一帶寺北有懸岩峭壁昔有一女騎一青驃由路駕來岩中忽起一股黑風烏雲將女驃吹到懸岩杳然不見至今岩上猶有人形驃影俗語呼為風神娘孃沿江祈禱無不應驗

黑白水記

江邊境之東郭地名北地有黑白二水焉自西朝東而入於江

泉流滾滾似乳非乳而長白烏波浪濛濛是水非水而長黑烏風來水面墨花梅葉之紋日映溪頭鴉背鶴鷺之色是以往來騷客無不心愛而神賞焉仲春朔八土人以俗祀為祭幣幣承牲不禁百里而來進酒獻茶不約千人而聚此一奇也亦勝景也

龍哨仙人洞記

龍哨山有仙人洞離城拾伍里在西山深谷之內由西繞出一畝洞懸於東西山腰之上石竅玲瓏洞口崔嵬蒼松古木上下圍繞夷人有信佛從仙者往往潛修於洞焉

克吐仙人洞記

克吐山有仙人洞距城壹百伍拾里之遙在甸境之北格哨境所屬洞高拾有餘丈內中四面玲瓏左右旋繞而出洞中石佛石鼓石驃水晶玉柱無不各生其中四方土人攜男負女朝祠者如歸市焉此亦奇山也亦勝境也

津梁志

津梁

江邊拉咱古大河木橋距城叁百壹拾里長肆丈高叁丈寬捌尺係進省往來之路叁年一修

木撒灣距城肆百貳拾里以江口為界設阿喜汎渡船壹隻麗

江府動項修造

中甸至其宗江口距城貳百肆拾里係中維大路設渡船壹隻

維西廳動項修造

橋頭塘距城壹百捌拾里建木橋壹座係進藏大路伍年一修

奔子欄汎距城貳百貳拾伍里設渡船壹隻係進藏大路維西

廳動項修造

頭道橋在城北貳里上寺大路土人捐資修造叁年一修

貳道橋距城五里在路中土人捐資叁年一修

叁道橋距城拾里在路尾土人捐資叁年一修

東旺下村扎卑塘距城叁百陸拾里建木橋壹座係川屬巴塘

大路

路諾距城叁百貳拾里建木橋壹座

佈庸距城叁百貳拾里建木橋壹座

佈住通距城貳百玖拾里建木橋壹座

澤玉丹左距城伍百里建木橋壹座係裏塘大路

翁水上村距城叁百貳拾里建木橋壹座係裏塘大路

克吐距城壹百伍拾里建木橋壹座

以上數村橋梁該地居民自行捐資隨時修整

天生橋記

竊聞梁成十月王乃令於冬期橋圯經年民實憂夫春渡橋之與未有不借人力而成功者且橋有石橋有土橋有木橋後世所傳鉄銷橋之名不一而建橋之事亦各異昔嘗有人尋河源由龍門三井而上至天橋黃河一綫朗映太虛銀波混漾挾萬馬奔騰之勢是天施地設似不可以橋名未聞有所謂天生橋者茲之稱名天生橋者亦自有說中甸東山之外距城叁拾里有曠野平原寬長約計十里之餘名曰畢怒渠子渠內有大河一溪水由東南而流於西西南山層出迭嶂高立四台二台即所稱寶興廠是也礮火礦洞礦戶商民咸聚於此廠之正南發脉一山夾瘠魚背危石累卵直接於北西山隅以為往來大路經過其上正北之山象鼻曲繞回抱於渠內之大河西立懸岩下有深阱中為正南之山隔絕懸斷水何能瀉豈待神禹所鑿亦或五丁所開正南嶺下湖底忽摩開一穴高寬數丈勢如城門之狀券洞窺窺恍若長虹外波金鰲駕海大河之水因從此而瀉出焉由西岩阱內順流於小中甸鎖其尾閘沿流於拉咱古之大河匯合入江且橋之山腰下亦有溫泉數漢可以漂身

滌垢明目去瘋而橋之兩岸左有金盃右有銀台排列其間而
且群山蘊玉眾水流金蒼松古柏茂林修竹掩映葱蘢繁花奇
木清幽鮮明所以騷人墨客經遊其地未嘗不心曠神怡喟然
而嘆曰此勝地也亦佳景也所稱天生橋者信不誣矣

水利志

水利

天下大利必歸於農而農必資於水井田之外繼以溝洫誠以
田賦之所出必賴水道之疏通也洪水橫流下民昏墊古帝王
時切民生之害故疏九河決三江八年之辛勤大禹王未嘗一
日晏安也中甸地處高山絕頂金沙江圍繞山谿箐溝俱有泉源
流灌注奈雪霜早降風勁土堅不生五穀前經土人開渠種稻
屢試無成雖有地畝之可耕實無藉溝洫之可利惟附郭東北
諸水過而澤時行或偶泛溢亟因利導然一經晴霽即可順流
暢流滙入西山之下草湖由落水洞暗落而下一從山後之通
賈村瀉出一從吉仁村瀉出甸之西渠淹沒之患始得無虞

戶口志

戶口

嘗聞地闢民聚澤可逶施民數之多寡未有不隸於版圖故
古者保甲之設所以紀民之數而固民之身家者也中甸係
新闢夷疆原照苗疆例不編保甲免造戶口且夷人習性鹵
莽無姓氏無村屯傍水依山零星散處而居或以耕種牧放
為業或以攻厥駝負為生居無住址行無定踪鄰里之
分稱謂無術男女大小之數記載無名戶口之設所以難於
編聯也

田賦志

田賦

古者徹田為糧乃古今之通例任土作貢盡天下之良規也
無曠土亦無遊民田賦之所出本小民維正之供並非司牧
之所苛求者也中甸地居邊隅例無田畝科則條編耗羨等
項惟有額征差發銀壹千壹百肆拾捌兩貳錢捌分內除支
給土備弁喇嘛養廉衣單銀陸百貳拾伍兩外存銀伍百貳
拾叁兩貳錢捌分年征京斗青稞叁千捌百肆拾肆石陸斗
捌升內除放給土備弁喇嘛口糧京斗稞貳千柒百捌拾柒

石玖斗柒升伍合伍勺外存京斗稞壹千零伍拾陸石柒斗

肆升伍勺存放兵糧

額征夏稅大麥小米菽壹百貳拾陸石陸斗柒升二折一搭

放兵糧

額征秋米貳百壹拾柒石陸斗五升玖合柒勺存放兵糧

積貯志

中甸社倉自乾隆年後存貯青稞肆千肆百壹拾柒石玖斗

陸升係民間倡義捐輸以備凶年荒歉作民間籽種春借秋

還於同治貳年徧逆入境將此項存款抄撈殆盡至今無存

義倉於咸豐叁年有麗江軍民府兼中甸同知辛本恭捐京

斗青稞伍百石存貯以備荒歉於同治二年逆徧入境抄撈

殆盡存款已廢

常平倉係截存土弁病故口糧京斗稞壹千餘石現存常平

倉內

課程志

中甸係屬撫夷並無閩洋要隘亦無正稅可收僅有牲稅稅

餘銀肆拾貳兩玖錢陸分肆厘自道光拾伍年後照例收斛

並無增減

經費志

中甸同知壹員每年養廉銀陸百兩編俸銀捌拾兩喇嘛供

品銀捌拾兩 義學叁館脩脯銀柒拾貳兩

役食銀貳百貳拾貳兩

正額孤貧伍名額外孤貧拾名口糧銀肆拾柒兩捌錢陸分

自道光拾年後一切開支並無增減

物產志

竊維氣候不齊土宜各異五行之運用無窮百物之產生何

限草木鳥獸何山不植菜蔬菓菽何地不生天生物以濟人

利用人借物以衛生養生者也辛苦酸鹹各有異味生熟烹

調各有異宜物類甚多物品甚繁難以悉載中甸地處北方

冰霜凝寒厚紅胎綠之資遊於發育于宵蔽日之體未易提

生謹將所產土物錄載於後

金 銀 鐵 鉛 毛牛 乳羊

烏鴉 野雞 酥油 奶渣 香菌 木耳

黃精菜 佛掌參 貝母 魚草 干丹香 竹葉菜

金不換 大黃 茯苓 秦礮 麝香 鹿茸

別骨 熊掌

中甸物產土生照舊並無新添生育

鹽法志

中甸並無行銷引鹽亦無鹽井漢夷兵民盡食沙鹽向係阿墩子夷人自己巴塘擦哈地方收買發賣歷年已久兵民稱便未嘗變易

礦廠志

麻康金廠在甸東山內離城壹百貳拾里開自乾隆貳年歷年開採日久硎老山空無人攻採廠課無着於道光年間止停寶興廠在東南山中離城四十里開自乾隆拾柒年歷年開採日久硎老山空無人攻採廠課無着於咸豐肆年地方變亂停止

安南廠在東南山中離城壹百叁拾里開自乾隆拾陸年歷年開辦日久硎老山空無人攻採廠課無着於咸豐肆年內地方變亂停止

格咱廠在甸正北山中距城壹百陸拾里開自乾隆伍拾年歷年開辦日久硎老山空無人攻採廠課無着於嘉慶年間停止

蜀郵志

中甸自同治拾叁年起征七免三

一減免差發銀壹百伍拾玖兩陸錢柒分叁厘捌毫

一減免京斗青稞叁百壹拾柒石零貳升叁合伍勺

一減免京斗秋米陸拾伍石貳斗玖升柒合玖勺壹撮

一減免京斗大麥叁拾貳石肆斗柒升叁合柒勺柒撮

一減免京斗小米壹石零陸合陸勺陸撮

一減免京斗夜肆石零貳升伍勺柒撮

以上減征載明又於光緒伍年奉文由征七免三內加

收壹成現在征八免二其外賑卹

賜卹 賜予並無款發

新修中甸廳志書中卷

中甸同知英自修琢如氏校正

大中甸境義學學員張翼夔佐之氏纂集

廟學志

國家建學明倫原以為正風化端士習課子弟必先建置廟學選擇學官講習訓誨開導引掖以為立教之本庶幾砥礪作人之意著莪造士之風得賻於今日矣恩至渥也典至重也中甸地居邊僻人多蠻夷前世未有入

奏頌請廟治是以古無廟學於乾隆叁拾叁年地方商賈兵民

以為有具地有其人必有其教然後教化可施文風可振粟請於中甸廳主梅士仁始於東門外東南角選擇禱地落石庀材營建大成正殿參極修建耳房壹楹以祀香火又於道光卅年內廳主周炳以為規模褊狹添建東西兩廡各叁間敬製先賢先儒各牌位復建後宮壹院大成門叁楹外建照壁東西柵門二道匾額東金聲西玉振東德配天地西道冠古今歷年久遠正殿棟折椽崩磚瓦朽壞復於道光貳拾玖年廳主汪梅目擊凋殘改建正殿叁楹柱料木石煥然一新於是殿宇巍壯規模濶宏汪公實有厚澤焉

廟學舊治

正殿先師牌位一座 東西四配位 東西十二哲位

東廡 先賢三十一位 西廡 先儒三十一位

啟聖祠在正殿右

啟聖公中位 東西先賢先儒 四配 四氏 父

廟學舊治載明於同治貳年逆禍入境焚燬罄盡至今惟
有基址存焉

學校志

從來學校之設原以振士風而培國脉也哉

國家三載賓興宏開登進之門而士子十年奮發大展沒雲之志必特選擇得人以立教化之本則士子方有統率必不致流於匪僻故學官有司鐸之責然必朝夕訓誨多方董勸庶幾文教修明賢才蔚起中甸自古未設學官未開糊考試舊例有夷童或名附入麗江縣學應試無人學終懸待即今江邊境間有勤修之士有志上進已於同治拾壹貳年間附麗江縣學考試得列官場者五六人前於光緒捌年捌月拾陸日由省頒發麗江府兼中甸廳學銅印壹顆後蒙現任廳主矣於光緒玖年肆月會同學官開考玖月赴應雲南全省學院丁歲試照舊例入文學式名武學式名中甸設棚開考創始於吳公自修學官司鐸始設於張公雲和學校原委載明

書院義學志

中甸義學設自乾隆貳拾貳年分為慈館教誨壹在大中甸境壹在小中甸境壹在江邊境各就其地以課該地民間子弟館師亦不拘何方何人凡有品行端方學業精粹者即可延請館中尊為西賓每年脩脯銀貳拾肆兩係向中甸廳請領自道光拾貳年後照舊遵行並無酌改書院中甸向古未

設開載報明

典祀志

嘗聞國之大事祀居其一禮有云法施民死勤事勞定國則祀之非此族類不在祀典祀之所重者顧可忽哉或因其人
之德行可嘉或因其地之報賽堪美載諸方策尊之典禮崇
祀昭然非可苟也中甸僅有數端略舉其名

大成文廟在東門外 二八月祭今廢

關帝武廟在城內 二八月祭今廢

文昌宮在城內 二八月祭今廢

社稷壇在東甸內 二八月祭今廢

風雲雷雨山川壇在東甸內 二八月祭今廢

先農壇在東甸於祭日搭蓬行禮祭

鞭春壇在東郊鞭春日搭蓬行禮祭

龍王廟在土官寨腰 二八月祭今廢

俗祀志

觀音廟在城內 二月十九日慶會

玄天廟在城內 三月初三日慶會

靈官廟在城北 六月十六日慶會

聖母殿在城東 三月二十日慶會

財神殿在城內 三月十五日慶會

城隍祠在東門外 正月初六日慶會

五鳳山神廟在東山 四月十五日慶會

黑白射星在隍祠內 四月二十八日慶會

歸化寺 正月十五日迎佛會

歸化寺 冬月二十九日降神會

寺觀志

歸化寺記

歸化寺在正北隅離城拾里居於瑞北土山之上古名松參
嶺故欲窮寺之本末必先溯其寺之源委自康熙年間五代
達賴喇嘛由西藏到甸尋一勝地欲建寺宇因見瑞北土山
有萬馬歸槽之勢前有碧海滌河銀波浩蕩後有團山倚枕
疊嶂如眠左有龍山圍繞右有虎嶺踞盤螺髻成堆雁塔
樹影於康熙己未年奏明

聖王建立銅瓦大寺層樓高聳上接雲霄新更名曰歸化寺安設黃
教喇嘛壹千貳百貳拾陸名分住八康千淨室安靜焚修復
設掌教大喇嘛喀木壹名執掌清規約束僧眾每日三朝諷

誦

萬壽皇經虔誠無懈蒙

皇恩准於中甸五境征收銀糧內賞給衣單銀叁百叁拾兩供品銀

兩拾兩口糧京斗青稞壹千肆百零肆石肆斗肆升伍合雜

項酥油叁千玖百伍拾柒斤肆兩伍錢小布肆百肆拾伍件

拾捌方以及藍鉄毛毯麻布土紙等項外給庄戶叁百柒拾

戶又於乾隆伍年玖月初玖日內閣奉

上諭加賞青稞叁百石乾隆拾伍年欽奉欽襲和碩果親王

御賜匾額慈雲廣覆四字以標題大寺寺內每年祈豐保歲薦設太

平齋熙三四供需用香燈使費名曰普差銀兩此項費銀着

喇嘛同五境民人公攤歸欽將見僧眾濟濟共祝

萬壽無疆梵語皇皇同歌

一人有慶 皇圖鞏固 帝道遐昌斯亦不負大寺之設也哉

靜室居

山不在高有仙則名水不在深有龍則靈不惟陋室可喻即

靜室亦可借喻矣中甸歸化寺後半山腰中有一坐靜禪室

名為靜室居地名松丹吹丕嶺左有蒼松右有古木靜室居

其中隱隱不見不近塵囂絕少人跡昔有喇嘛僧更稀格丹

迨巴在此山坐靜未得道時常與人打鼓念經決疑占卦前

有坐靜佛僧指點爾欲修道必先絕世俗情與人無爭於是

專一修持後謁佛僧講道爾夜靜叩門而來佛僧大顯法力

現出怪異佛像格丹頂禮叩頭佛僧回像說得指點修真肯

於專心壹志絕慾戒貪方可成真靜坐十年常有虎豹護守

其室室後掘下一井冬無冰凍留作古蹟於道光拾年觀音

菩薩度往南海成佛格丹之後代有喇嘛僧坐靜此山不絕

其人西藏稱為佛地

大寶寺考

大寶寺在甸之東山後雜城巷拾里建自明時由來久矣無

碑碣可紀僅就僧傳有西藏

大寶法王住藏慧眼所觀見外地有一名土坐菩薩五位金

光照體祥雲護身未有寺院護持欲往外地尋訪建一大寺

未得其人傍有護法願隨駕同行變作神羊一隻來至中甸

地名洛對見其山形稍與眼中所見相符意欲建寺神羊吃

草而起不肯住居又往南方而去尋至小中甸填有一土城

上有高山一座亦與眼中所見相符又欲住止神羊仍不肯

后尋訪日久未得其地攜羊隻往西藏回至龍籠地界羊不

欲往向東而嘯 大寶法王因揣其意又往東尋行至數十里有坦平小埧傍居荒村後有高山一座行至此山神羊角上忽放金光神羊咆哮振蹄撒出金牛一隻大寶法王即生住此山適視山景隱然五位菩薩又為現像金牛存為古蹟因在此山修建大寺一院大寶法王親塑法身五座方將下座塑出倏一夜之間五位法身金像俱全寺院完備忽然飛來觀音一尊後考其蹟乃來自西藏現故寺中功成圓滿大寶法王隨即坐化羊亦脫化為護法護法殿後神羊跑出一井名為流金泉其水清潔繞出寺門寺景清幽山門靜鎮上有百八種樹木叢雜而生下有叁拾里水泉雙流合抱一則逆轉而出一則順流而下圍繞山脚其水流之音恍如有雷經中佛號之聲亦奇境也此境可當湖廣武當山之勝景焉靈經諸譯考而載之

百難寺

百難寺在西門城後之山頂上建自 明時年月無考惟高閣倚天危樓拔地上敬黃教祖師傍列護法諸神土人有病患災疾許愿祈禱敬送家雞一隻放生寺內習為風氣難聲成群因名之曰百難寺古木森森徘徊於禪室之外蒼松靄

雷撼於山門之前陟山巔而寄傲望繡壤之平連鳳嶺之育生念蓄以待龜城之發脉醞釀而來曙曉雞鳴喚醒三更之夢天晴日暖冲間一嶺之梅前經同治捌年忽遭賊匪之亂竟作反燼之餘又得同治十二年署廳馮公乃熊捐一己之餘業積眾姓之善念尼材木於工匠物古佛而更新

承恩寺記

承恩寺在東北山隅離城拾伍里據耆老所言建自明時內敬紅教祖師安設紅教喇嘛叁肆拾名安靜焚修恪守清規並無滋生事端此亦境內之勝地亦山門中之安靜人也故為載之

大佛寺記

大佛寺在東門外土官寨上建自康熙年間內敬釋迦如來古佛丈六金身左有鳳嶺東時右有龜山西連上接青

霄朗照下臨碧水灣環中正特立作人民之保障樹疆域之屏藩五境人民祈禱咸稱首善之地焉於同治捌年賊匪入境燒燬殆盡光緒元年土人捐資權宜修造尚未興復舊制

廟宇記

關帝廟建自雍正拾年新建成豐元年内重修在城內武署之南